

## Band X., Nr. 4664, Seite 340

*Johann, Sohn des Roten, Schultheißen von Herrenberg verkauft an Kloster  
Bebenhausen ein Gut zu Altingen.*

Ohne Ortsangabe, 1295. Mai 1.

Ich Johannes des Roten schulthaizen sun von Herrenberc tûn kunt allen die disen brief sehent oder hõrent lesen, daz ich den gaischlichen herren von Bebenhusen han gegeben ze koufenne min gût, daz vor waz hern Wolframmes von Hálvingen, daz ze Altingen gelegen ist, mit husern, hofsteten, åkkern, wisen, gelt und allem nuzze und rehte und swas dar zû hõret, gesûchet und ungesûchet, mit mins herren hant und willen graven Rûdolfes von Tuwingen, den man nemmet den Schærer, und mit worten und gebærdem, dû ze ainem redelichen koufe hõrent, und bin des gûtes ganzlich gewert, daz mir die selben herren von Bebenhusen dar umbe gelopton ze gebenne. Won aber ich vormales uz dem selben gûte hette verkoufet aht malter roggen geltes Herrenberger messes, so han ich in dú selben aht malter roggen geltes widerlait in minen hof ze Neberingen den man nemmet den fronhof, daz si daz da suln eweclich nemen allú jar. Und daz in daz von mir und von minen erben und nahkomen iemer stæte und ganz belibe, so hab ich den vor genanten herren von Bebenhusen und dem selben closter disen brief gegeben besigelt mit mines vor genanten herren graven Rûdolfes insigel. Wir grave Rûdolf von Tuwingen verjehen an disem brieve, das alliz, daz hie vor geschriben stat, mit unserme willen und wort geschehen ist, und dar umbe haben wir unser insigel gehenket an disen brief.<br> <br> Der selbe brief wart gegeben, do man zalte von gottes gebûrte zwelf hundert unde nûnzig jare und dar nah in dem funften jare, an sant Walpurg tag.

Textabdruck folgt dem Original.<br> <br> Siegel, s. WUB, Bd. IX, S. 276, Nr. 3853.

## Überlieferung und Publikationen

**Lagerort:**

HStA Stuttgart

**Signatur/Titel des Originals:**

A 474 U 212

**Editionen:**

Zeitschrift für die Geschichte des Oberrheins 1 (1850) - 39 (1885), N.F.  
1=40 (1886) - [...], Bd. 14, S. 367.

## Weitere Angaben

**Sprache:**

Deutsch

**Ausstellungsort:**

Ohne Ortsangabe

**Ortsindex:**

Altingen Wohnplatz (16222)<br> Altingen, Ammerbuch, Tü<br> Bebenhausen Wohnplatz (16199)<br> Bebenhausen, Tübingen, Tü<br> Hailfingen Wohnplatz (16171)<br> Hailfingen, Rottenburg am Neckar, Tü<br> Herrenberg Wohnplatz (118)<br> Herrenberg, BB<br> Nebringen Wohnplatz (107)<br> Nebringen, Gäufelden, BB<br> Tübingen Wohnplatz (16214)<br> Tübingen, Tü